

[FLASH NOTES]

بسم الله الرحمن الرحيم.

SYMPATHETIC DEPRESSANTS

- N.B: ال b blockers الحقيقه لو بتسالنى رأى الشخصى يعالجوا ال tremors لكن ميعالجوش ال parkinsonian tremors، لأن ال parkinsonism دا مشكلته ايه ؟
acetyl choline زياده بالنسبه لـ dopamine، ف اما تيجى تصلح المشكله معندكش غير حل من الاتنين، يا تعلى dopamine يا تقلل شغل ال acetylcholine،
يبقى ال b blockers ليس لها علاقه بالموضوع خالص، لكن احنا بنتكلم عليهم على انهم anti-tremors ف ماشى الحال.

- والله هو ممكن ال dopamine هنا يعلى الضغط لو اتاخذ بـ high rate يعنى لو كانت المشكله هنا hypotension وليست shock،
لو كان المشكله shock يبقى ال dopamine بقى لما يتاخذ، لو كانت hypotension ال dopamine مش غلط لانه هيزود شغل ال beta 1، ولو ادبته بـ high rate هيشغل ال alpha 1 فيعلى الضغط هنا ال cardiac output زاد وهنا ال resistance زادت فالضغط هيزيد، بشرط متكونش حاله shock لأن أنا ف ال shock مش عايز اعمل ال alpha 1 stimulation.

- ال alpha methyl dopa يعنى بيققل شغل ال sympathetic ويسيب ال parasympathetic ال dominant، مش هو alpha 2 agonist ف النهايه، يبقى بيعمل sympathetic depression وسايب ال para شغال،
ال GIT ينشط ال colon motility فيعمل diarrhoea.

Alpha blockers -

- النهارده ان شاء الله هنكمل الجزء ال alpha blockers، وعندى امل كبير اوى جدا فيكوا يعنى اننا نكمل ال eye pharmacology، يعنى انتوا الامل ان شاء الله وانتوا المستقبل بتاع الحصة متوقف عليكوا انتوا لو استحملتونا النهارده ان شاء الله وخلصنا ال alpha blockers و ال eye، لا ما هو لو بكره استحملوا يبقى انتوا فاتكوا، ف دايمنا البدايه واول حصه ف الموضوع هى اللى عليها الرك كله يعنى.

احنا المره اللى فاتت متهيالى سمعنا معظم الكلام بتاع ال alpha blockers مش كده،

وقولنا how to classify alpha blockers ؟

عندنا طريقه واحده للتقسيم على حسب ال selectivity.

(A) يبقى اللى بيشغل كـ non-selective alpha blocker
بيقفل ال alpha 1 and 2 عرفنا الاسامى هى غريبه كده بس هنعفظها زى ال phentolamine و tolazoline دى مجموعه كده اسمها ال imidazoline alpha blockers،

VISIT...

LANZAROTE
Caliente.COM

و في دوا اسمه phenoxybenzamine و Dibenamine ودول اسمهم beta haloalkine amines.

(B) وعندنا مجموعه جديده بقى ف الطب الى هي بتشتغل selective alpha 1 blockers من غير ما تقفل alpha 2، الى هي معظمها zosin، هما terazosin و prazosin و doxazosin، واوعى تنسى ال tamsulosin عشان دا selective alpha 1 antagonist فيبوسع ال sphincter بتاع ال bladder فييعالج ال benign prostatic hyperplasia، من غير ما يعمل مشاكل systemic زى ال hypotension وغيره.

- ال ergot alkaloids مؤجلين احنا اتفقنا ان ال ergot مؤجلين لسبب مهم جدا ان ال ergot alkaloids بيشتغلوا ك partial agonist على ال alpha 1، ف في البدايه بيعملوا VC وفي البنى ادم بينتهى شغلهم قبل ما يشتغلوا ك blockers، فعشان كده يعتبرهم كانهم alpha agonists بشكل يعنى مبسط كده لحد ما نشرحهم ان شاء الله بعد كده ف جزء ال autacoids.

(C) الدوا الاخير بقى الى كان مبيشتغلش على ال alpha 1 وكان بيقتل alpha 2، الدوا الى اسمه غريب دا ال yohimbine الدوا دا جاي من plant origin، والدوا دا يتقال عليه حاجه كده كلمه اسمها aphrodisiac، معناها بيزود ال male sexual desire و ال male sexual performance.

قولنا شويه قوانين كده ف ال alpha blockers وكل قانون منهم كان ليه exception يعنى: -

1 - يعنى اول قانون ان كل ال alpha blockers are competitive يعنى بي compete مع ال adrenaline او مع ال noradrenaline على ال alpha receptors ماعدا واحد ال phenoxybenzamine دا بيشتغل irreversible non competitive.

- افكرتوا مين في ال beta blockers كان non-competitive ولا مفكرتوش ؟ طيب مكنش فيه.

2 - كل ال alpha blockers بيعملوا reversal لل hypertensive action بتاع ال adrenaline و abolish ال hypertensive action of noradrenaline، ماعدا الدوا الى مبيقتلش ال alpha 1 الى هو مين yohimbine؟

3 - بما ان كلهم بيوسعوا الشرايين بيقى كلهم هيعالجوا مرض اسمه peripheral vascular disease زى # disease، الى هو اشهر مثل او اشهر نوع من ال peripheral vascular disease،

ال exception بتاعنا ال yohimbine مبيعلمش حاجه، وخلي بالك ال ergots ممنوعين لان هم لما بيتاخدوا هيعملوا VC more فهيدخلوا العيان ف gangrene.

4 - ان ال alpha blockers كلهم للأسف فشلوا في علاج الضغط، ال alpha blockers failed to treat hypertension

السبب في كده انهم كانوا بيعملوا marked tachycardia، وال tachycardia دي هتخلي ال cardiac output يعلى ف انت مستفدتش حاجه، وسعت الشرايين فقللت ال resistance، لكن جيت في المقابل زودت ال cardiac output ف العيان ضغطه متصلحش، وكان ليها سببين زي مانتوا قولتوا كده،

- السبب الاول reflex لما الضغط بيقل،
- والسبب الثاني اننا قفلنا ال alpha 2 presynaptic فبدأ يزيد ال noradrenaline release عند ال heart يعني بدأت ال beta 1 تشتغل اكثر من الاول،
- ال exception بتاعنا كان المجموعه اللى بتشتغل selective alpha 1 blockers، ليه مبيعملوش tachycardia بقي ؟ او ليه بقى عشان ييقى كلامنا صح اوى ليه ال minimal tachycardia او less tachycardia than non selective ؟ عشان مبيقفلوش ال alpha 2 presynaptic فمفيش زياده ف ال Noradrenaline، يعملوا حاجه حلوه
- بقي ف القلب نفسه، يعملوا inhibition ل enzyme اسمه phosphodiesterase، مادام انت وقفت الانزيم دا زاد جوه ال SA nodal cells حاجتين، ال cAMP و زاد قصاده ال cGMP،
- دول عكس بعض دا بيعمل tachy و دا بيعمل brady فبيحصل balance بين الاثنين، بالتالي there is no tachycardia، للتحفظ بيحصل minimal tachycardia او less tachycardia، كتاب القسم كاتب no tachycardia ماشى، هي tachycardia اقل بكثير اوى من ال non selective alpha blockers.
- بالمره بقي ال AMP وال GMP دول بيعملوا ايه ف ال blood vessels، يعني هم ف heart عكس بعض واحد بيعمل tachycardia والثاني بيعمل bradycardia، لكن هما الاثنين بقي زي بعض على مستوى ال blood vessels يعملوا VD.
- ال action دا ك vasodilator مفيد في عيان عنده حاجه اسمها heart failure، فاكربنها الناس اللى كان عندها congestive heart failure العضله بتاعه القلب ضعيفه، ف عايز اقل ال load ع ال heart عايز اخفف العبء اللى على القلب، فكنت ممكن من ضمن الطرق اللى اعملها انى ادى حاجه توسع ال veins فتقلل ال preload، وتوسع ال arteries فتقلل ال afterload،
- ال alpha blockers يعملوا VD صح للاتنين، لكن اكثر واحد يوسع هم دول لانهم وسعوا بطريقتين قفلوا ال alpha وفي نفس الوقت زدوا camp و cGMP ف دول very useful in treatment of congestive heart failure.
- هسالك سؤال بقي كده ان شاء الله و ربنا يكرمنا selective alpha blockers are useful in treatment of heart failure because they are positive inotropics load ال load و لما ال load يقل على ال heart، يبدأ القلب يتحسن مع ال cardiac output و ال cardiac function، كده بقي القاعده نمره 4.
- 5 - القاعده الاخيريه بقي في المجموعه دي، ان كلهم بيعملوا relaxation لل sphincter بتاعه ال urinary bladder ف يساعدوا ف ال treatment of benign prostatic hyperplasia،

كلهم ينفعوا لكن في واحد خلاص بقى هو نمره 1 الى هو ال tamsulosin، عشان ال selectivity بتاعته على ال alpha 1.
- عرفنا ال common uses بتاعه ال alpha blockers وعرفنا ال common adverse effects بتاعه ال alpha blockers.

Common uses

1 - ، 2 ، 3 الاستعمالات ال common اللى هى الطريقه بتاعه ال 3 p ،
1- يعالج ال peripheral vascular disease ،
2- ويعالجوا ال prostatic hyperplasia ،
3- ويعالجوا ال hypertension secondary to pheochromocytoma .
- مين ف ال alpha blockers يعالج الضغط اللى سببه ال pheochromocytoma ؟
كلهم يعالجوا كل ال alpha blockers يعالجوا، لكن احسن واحد ال phenoxybenzamine
اشمعه ؟ عشان هو قافل ال receptor ب covalent bond مهما على ال catecholamines
هيفضل قافل، لانه ماسك ف ال receptor by irreversible bond .
4 - الاستعمال نمره 4 لو انتوا فاكيرين الحاجات اللى كان فيها ال alpha stimulation، وعمل
مشكله زى مثلا cheese reaction، زى مثلا العيان اللى عنده اكتئاب وبيأخذ ال MAO
inhibitors لعلاج ال depression واكل ال tyramine فى الجبنه او الزبادى، وبدا يحصل
عنده زياده ف الضغط بسبب ال Noradrenaline كان حله ان انا اخذ ال alpha، يبقى حله ان
انا ادى ال alpha blocker .
5 - الناس اللى بيحياها rebound hypertension due to sudden stop of clonidine ،
ال clonidine يعالج الضغط العالى لكن لما تستعمله فتره و توقفه فجاء يحصل حاجه
اسمها rebound، الحل بتاع ال rebound دا انى ادى clonidine مره تانيه او انى ادى ال alpha
blocker .
- الحاله التالته لو حصل حاجه اسمها leakage او يقولوا عليها ساعات leakage او
extravasation of noradrenaline، فاكيرين زمان كده كنت بعالج الناس اللى عندها
acute hypotension
ب IV infusion of noradrenaline، مشكلتي زمان ان ال Noradrenaline دا سن الابره
الحديد بتاع زمان دا يطلع برا ال vein، فيحصل تسرب يقولوا عليه leakage او
extravasation ال Noradrenaline يبدأ يطلع برا ال vein فيبدأ يعمل ال severe VC، الحل
بتاعه انى اقفل ال alpha receptors .
- امته ال dopamine يعلى الضغط ؟
لما يتاخذ ب high rate infusion يشتغل على ال alpha 1، او لو اتاخذ ب normal rate
ولكن with MAO inhibitors اكنك بتدى overdose، ساعتها هيشغل ع ال alpha
ويعمل ال VC، لو حصل منى المشكله دى يبقى العلاج برضو ال alpha blocker، يبقى كده
عرفنا ال common uses بتاعه ال alpha blockers

- Adverse effects of alpha blockers

- عايز اربع عيوب مشتركة ف ال alpha blockers
- 1 - اول عيب اسمه postural او orthostatic hypotension ، ليه عملوا كده ؟ ابوه عشان عملوا veno و arterial ، اى حاجه توسع الشرايين هتوطى الضغط ، لكن اللى يوسع اورده وشرابين دا يعمل حاجه اسمها postural hypotension.
- 2 - ال tachycardia وعرفنا الاسباب بتاعتها معادا طبعا ال selective alpha 1 blockers.
- 3 - ال nasal congestion او nasal stuffiness.
- 4 - ف ال males بقى faliure او delayed او inhibition of ejaculation.
- بيقى دى الحاجات ال common لاي دوا alpha blocker ترص بقى الحاجات دى ، بيقى كده 4 استعمالات common و 4 عيوب common ف كل ال alpha blockers.

ال yohimbine

دا انسوه انا عايز ننسى ال yohimbine دا ، يعنى بيقول لك ان ال alpha blockers بترسى ف الاخر على انى فاكر ال yohimbine دا ، ال yohimbine دا ملوش لازمه انساه خالص ، هو selective alpha 2 blocker وخلص.

Specific uses of alpha blockers

- فى حاجات كده specific uses of alpha blockers مش عارف احنا لحقنا نقولها كلها لان فى ناس يمكن سمعوها وناس مسمعوها.
- 1 - ال hypertension و ال congestive heart faliure ، اللى يعالج ال hypertension والمقصود هنا ال primary hypertension اللى هو ملهوش سبب دا ، اللى يعالج الاتنين دول ال selective alpha 1 blockers ، وبالتالي عرفنا حتى النهارده الاسباب ، بعالج ال hypertension ب ال selective عشان هما بيوطوا الضغط ، بيعملوا decrease of total peripheral resistance ، وتقريبا مفيش tachycardia وقولنا السبب مقفلوش ال alpha 2 ف ال presynaptic و زدودا ال camp و ال cgmp فمازادش اوى ال heart rate.
- 2 - استعملناه ف ال heart faliure عشان بيوسعوا اوى ال veins فيقللوا ال preload ، ويوسعوا ال arteries فيقللوا ال afterload.
- 3 - الاستعمال الثالث دى حاجه specific كده زمان ، كنا بندى ال phentolamine وساعات كنا بندى معاه دوا اسمه ال papaprine مش مهم اوى دلوقتى ، كنا بنحقن ال phentolamine دا intracavernous فى علاج ال erectile dysfunction in male ، كانوا بيعملوا كده الناس اللى عندها مشكله ف ال erection يروح للدكتور قبل ما يعمل sexual intercourse وياخذ حقنه phentolamine ف ال male sex organ ، عشان ال phentolamine دا is a vasodilator فيحسن ال erection ، المشكله انها very painful وكانت بتعمل مشاكل حتى fibrosis وغيره وبالتالي معادش

حد بیستعمل دلوقتی ال phentolamine فی علاج ال male erectile dysfunction، مین البديل بقى ؟ ال sildenafil الی هی الفیاجرا یعنی الاسم دا بقى مشهور زی الاسبرین کده، الفیاجرا او ال sildenafil طریقہ شغلهم:

inhibition of enzyme اسمہ 5 phosphodiesterase type، علی فکرہ ال phosphodiesterase دول کتیر او ی هنیجی علی اخر السنه ان شاء الله هقوللک ان فی ادویه ف المنهج کتیره جدا عملت inhibition للانزیم دا، من ضمنهم الی سمعته النهارده ال selective alpha blockers ال selective alpha 1 ال terazosin عمل hypotension without tachycardia عشان بیزود ال cAMP و cGMP بانه منع تکسیر الاتین، افکر ان ال sildenafil من اشهر الادویه دلوقتی الی بتعمل inhibition علی ال phosphodiesterase، بس دا selective بقى یعمل inhibition لل phosphodiesterase type 5، فبیحصل معاه زیاده ف ال cGMP فدا یعمل very powerful VD، وزی ما قولتک شرکه # لما کانت بتعمل ابحاث علی الفیاجرا کانت بتفکر ف استعمالهم ف علاج ال angina، لان انا لما اوسع الاورده والشرایین شغل القلب یهدی ف ال angina بتتحسن، لكن لقوا ان اکثر مکان حصل فیہ dilatation هو ال male sex organs، فغیرت بقى الاتجاه بتاع الفیاجرا بدل ما کان یعالج ال angina هیعالج الناس الی عندهم erectile dysfunction.

- * هو مش کده ال sildenafil یعمل VD یقی کده مش ممکن یعمل hypotension ؟ ممکن یدخل ف hypotension وممكن یدخل ف tachycardia وممكن یدخل ف anginal pain دی کلها adverse effects منه.

- * ما هو ال VD دا هیحصل وراها hypotension و ال hypotension هیحصل وراها reflex cardiac stimulation، فیبدأ ال heart ال cardiac work یزید، فلو انا عندی angina ممکن تزیید الاعراض بتاعتها، هنسمع ان شاء الله الکلام دا ف ال angina بس افکروا کده مؤقتا ان من ضمن طرق علاج ال angina ان انا اقلل ال preload و ال afterload برضو.

4 - اخر دوا کان لیہ specific use هو ال phenoxybenzamine، فی علاج ال shock وخصوصا ال hemorrhagic shock،

وکان لازم قبل ما ادیه اعمل القاعده بتاعه زمان open up fill up then، یعنی اعوض ال blood volume وبعدين اوسع الشرایین والاورده طبعا الهدف منه هنا حاجتین VD وحاجه یمکن سمعناها المره الی فاتت انه یقلل ال release بتاع ال ADH الی هو بیساوی ال vasopressin، دا بیطلع اثناء ال shock فی محاوله لرفع الضغط من الجسم، بس مشکلتہ انه یعمل renal VC فممکن یحول ال shock لنوع لا یمکن اصلاحه بیسموه ال irreversible shock.

- یقی دا الاستعمالات بتاعه ال alpha blockers سواء ال common او ال specific، النهارده ان شاء الله مش هنقول حاجه جدیدہ احنا بس هنفتکر الاسامی المهمه ف ال alpha blockers ونبدأ نعيد نفس الکلام مره تانیہ.

- * دكتور ايه الفرق بين ال shock و ال arrhythmia و ال heart failure ؟ لسه معرفناش
مش واضح اوى طيب: -

- ال shock :

دى ايا كان سببها فيها حاجتين، فيها hypotension acute و severe، و ال tissue perfusion is impaired، يعنى ضغط قليل والدم الواصل لل organs بيبقى قليل، وغالبا ال organs الى بخاف منها اوى اثناء ال shock او اخاف ان يحصل لها ضرر هي ال kidney، وفي بقى انواع من ال shock سمعنا عن ال hypovolemic و endotoxic و cardiogenic و anaphylactic وغيره.

- الحاجه التانيه ال arrhythmia،

ال arrhythmia مشكلتي كلها ف ال heart rate، مشكلتي حاجات كتير اوى بس هقول لك باختصار، اما تكون المشكله ف ال SA node ال pacemaker بتاعك بيطلع نبضات اسرع من اللازم يبقى دى اسمها tachy arrhythmia مش كده،

ياما العكس ال SA node بتطلع نبضات اقل من ال normal يبقى دى brady arrhythmia، ياما مشكلتي ف ال ectopic pacemaker، يعنى ال SA node سليمه بس لأي سبب من الاسباب بدأ القلب يطلع pacemaker مش normal او ectopic pacemaker زي ما بنسميها، يبقى زي ما سمعنا قبل كده مثلا الى جاله infarction او الى بياخد halothane او الى بياخد digitalis كل دى اسباب تخلى ال ventricle يطلع pacemaker جديده، يبقى مشكله ال arrhythmia كلها مشكله كهربيا، سواء في تصنيع النبضه الكهربيه او حتى في التوصيل، يعنى ناس بتعتب ان ال AV block is a kind of arrhythmia، برغم ان ال SA node سليمه ومعنديش pacemakers ولا حاجه بس المشكله ف ال conduction، ف دا يتقال عليه ال arrhythmia.

- ال angina :

مشكله في ال blood supply to the heart، يعنى عندي حاجه زي ما قولت قبل كده لو انتوا فاكرين imbalance ما بين ال coronary flow او الدم الى داخل القلب من خلال ال coronary، وال oxygen required of the heart، القلب محتاج دم مش قادر اوفره له عن طريق ال coronary يبقى دى المعنى البسيط بتاع ال angina.

- ال infarction :

يبقى حاجه اسوء بقي، ان احنا عملنا هنا جلطه او مش عملنا هي حصلت جلطه في فرع من ال coronaries، ف المكان الى كان المفروض يتغذى ب ال branch دا مش واصل له blood ف حصل هنا حاجه اسمها necrosis الى هي ال infarction.

Imidazoline alpha blockers

نيجي بقى كده لاول مجموعه من ال alpha blockers الى هي ال imidazoline alpha blockers، وخلي بالك ال imidazoline هنا انت سمعت الكلمه دى قبل كده سمعت عن ال imidazoline receptor الى هي ال I 1 بتاع ال brain دا، الى كان بيهدي شغل ال sympathetic، هنا كلمه ال imidazoline المقصود بيها تركيبه كيميائيه،

الimidazoline is a chemical structure بالظبط زى تركيبه ال histamine ، يبقى فى معلومه مهمه الحقيقه ف الكيميا ، انا بقول لك المجموعه دي are imidazoline alpha blockers يبقى ال structure بتاعهم اكنك بالظبط بتدى العيان ال histamine ، هو ال histamine دا بيعمل ايه ؟ هنوصل له ان شاء الله قريب اوى ، بس لحد ما نوصل افكر كده

ان ال histamine بيعمل very powerful VD ،
و ال histamine اقوى حاجه تطلع HCL من المعده ،
وال histamine دا بيعمل ف ال bronchi ال bronchospasm وزياده ف ال bronchial secretion ، يبقى العيان دا من قبل ما نتكلم ولا كلمه العيان اللى بياخد imidazoline alpha blockers سواء ال phentolamine او الدوا التاني اللى اسمه ال phenoxybenzamine ، توقع فيه كده ان العيان دا هيحصل عنده VD لاكثر من سبب من ضمنهم انه شبه ال histamine فى التركيبه وانه بي stimulate ال HCL secretion ال bronchospasm .

Phentolamine -

- يبقى كده ال phentolamine is contraindicated فى الناس اللى عندهم hypotension والناس اللى عندهم ulcer و الناس اللى عندهم asthma ، من غير ما تذاكروا حاجه مجرد انك عرفت ان الدوا دا chemically is histamine like in structure .

- ال phentolamine عرفت ال كيميا بتاعته وال source بتاعه synthetic ، من حسن حظك معلناش حاجه خالص ف ال Pharmacokinetics ، لكن لو عايز تعرف ممكن يتاخذ oral وممكن يتاخذ iv لكن معلناش ال Pharmacokinetics .

- ال mechanism of action بتاعه لو مجمع معلومات ال alpha blockers هتلاقى ان الدوا دا

كان non selective يعنى كان بيقفل alpha 1 و alpha 2 ،
وكان competitive ، لان كلهم كانوا competitive ماعدا ال phenoxybenzamine ،
يبقى الدوا دا

is a competitive non selective alpha blocker

- :Pharmacological actions of phentolamine

- انا عايزك انت تقول لى ال pharmacological actions ،
1- الدوا دا قفل ال alpha 1 يبقى عمل عكس ال alpha 1 ، قفل ال alpha 1 ف ال blood vessels ف ال arteries و ال veins يبقى عمل VD صح ، ال VD دا هينتج عنه انه هيقدر يعالج امراض اسمها peripheral vascular disease ، وهينتج عنه ان هتبدأ تقل ال total peripheral resistance ، ولما تقل ال resistance هيحصل وراها حاجه سمعناها مليون مره اسمها reflex tachycardia ، ومادام وسع ال veins كمان يبقى عمل مشكله اسمها postural hypotension ، يبقى ادى معلومه ملهاش اى علاقه بالمذاكره خالص دى ليهل علاقه ب اول مره سمعت ال receptors ف ال autonomic .

2- ال alpha 1 دي موجوده على ال sphincter of urinary bladder، لما كانت بتشتغل كانت بتعمل contraction فتخلي ال urine retained، انت قفلتها النهارده فعملت relaxation ف ال sphincter، يبقى الدوا دا اقدر استعمله ف الناس اللي عندها urine retention due to benign prostatic hyperplasia (بس دا مش احسن دوا، عشان دا بيقلل كل ال alpha اللي ف الجسم، الاحسن منه ال (tamsulosin).

3- قفل ال alpha 1 اللي موجوده ف ال male sex organs، يبقى عمل في الرجاله حاجه اسمها delayed او faliure او inhibition of ejaculation.

4- يعمل ايه ف ال nasal mucosa ؟ congestion عشان بيعمل VD نفس الكلام بتاع ال alpha receptors اللي انت سمعته زمان، دا بالنسبه لل action بتاعه لما قفل ال alpha 1.

- بالمره هو هيعمل ايه ف العين ؟
انا عارف انها مش مكتوبه، لكن ف الكتب الثانيه مكتوبه، تخيل كده انت قفلت ال alpha 1 بتاعه ال dilator وسايب ال constrictor شغال، يبقى كده هيعمل miosis، ولما يعمل miosis الميه اللي جوه العين هتطلع فتقلل شويه ال IOP، هي مش موجوده لكن هي بالمنطق كده صح 100%.

5- ال alpha 2 بقى، ونا مش عايز ال alpha 2 ف كل الجسم ولا ف ال CNS، انا عايز ال presynaptic alpha 2، ادى heart اهو وادى alpha 2 receptors على ال presynaptic nerve وانت قفلت ال alpha 2 وسبت ال presynaptic beta شغاله، قفلت ال receptor اللي كان بي inhibit ال Noradrenaline وسبت ال receptor اللي بي stimulate ال Noradrenaline، يبقى توقع هيجصل ف ال heart tachycardia، يبقى انت عندك للمره الاخير ان شاء الله سببين لل tachycardia، سبب reflex لما الضغط قل وسبب تاني لما قفلت ال presynaptic alpha 2.

- كل دا بالنسبه لى قديم ايه الجديد بقى ان الدوا دا histamine like، يعنى كانه بي stimulate حاجه اسمها ال histamine receptors، زى ما هنسمع قريب اسمها ال H1 و ال H2، عرفنا عملوا ايه مادام شغلوا ال histamine receptors، عملوا ال 3 حاجات دول عملوا VD و bronchospasm و زوزد ال HCL secretion.

- * لا على فكره ال alpha 2 اللي موجوده على ال kidney مش presynaptic، هي موجوده على ال juxtaglomerular apparatus نفسه يعنى هي postsynaptic، بس هي المفروض لما بتقفلها ال renin هيبتي يزيدي لان ال beta شغاله، بس متخافش منها لان دا اصلا بيوطى الضغط، انت بتخاف من ال renin انه يعلى الضغط لكن الدوا دا اصلا بيعمل hypotension.

6 - اخر action حاجه ملهاش قيمه اوى اسمها ال anti-serotonin action المقصود هنا بكلمه anti-serotonin ان هو بيقلل ال serotonin receptors حاجه ليس لها قيمه لا ف الاستعمالات ولا ف العيوب، لكن action عشان لو اتسالت ف ال MCQ ال phentolamine بيعمل ايه ؟ يبقى تعلم على انه بيشتغل كمان ك anti-serotonin.
- * ال action دا ليس له قيمه لا في الاستعمالات يعنى it is not useful، ولا ف ال adverse

effect، ومش هينفعنى برضو فى ال migraine اوى هنسمع ان شاء الله عن ال migraine والفكره بتاعه علاجه، ال phentolamine دا بالعكس ممكن يكون ضرره اكبر من نفعه.

- * انت عندك ال alpha 2 موجوده presynaptic على كل ال adrenergic nerve، يبقى كده لما نعملها بلوك هنزود ال Noradrenaline و دا competitive

السؤال دا متسالت هوش من حوالى 5 سنين كده،

السؤال ايه بقى ان عندك ال alpha 2 موجوده على كل ال presynaptic وعندك ال alpha 1 هنا، انت لما اديت phentolamine قفلت ال alpha 2 هنا فبدأ يزيد ال noradrenaline release صح

فالدكتور بيسألنى مهو لو زاد ال Noradrenaline دا ال alpha blocker هيتزاح لان الدوا دا is a competitive alpha blocker

غالبا ايوه عقبال ما يتدى ال noradrenaline يزيد ويحاول يزح ال blocker هتكون انت اديت جرعه وراه، هتكون اديت جرعه تانيه من ال phentolamine ف قافل ال receptor ويبدأ انه يحاول يزح ف مش هيعرف، ال net result هنا هيفضل VD، مع ان تفكيرنا صح ان لما اعلى ال Noradrenaline هنا ال blocker دا يتزاح، الكلام دا ممكن experimentally اعمله، ممكن experimentally انا اعمله ومتحكم ف الامور، لكن ف العيان انا بدى جرعه مثلا كل 5 او 6 ساعات، فلما يتدى ال phentolamine يقل شويه بروح مدى جرعه كبيره، شغله هنا غالبا اقوى من شغله هنا كمان يعنى شغله الاساسى هنا يقفل ال alpha 1 فحتى لو زاد ال Noradrenaline مش هيحصل displacement لل blocker.

- * كونه anti-serotonin لا ليها قيمه ف العلاج ولا ليه قيمه ف للعيوب ل ثالث مره، دا action، يعنى اما عملنا عليه ابحاث ف المعمل كده لقيناه بيقل ال serotonin receptor، بس مستفدتش منها ف حاجه ولا ضايقتنى ف حاجه.

- قبل ما انسى هو الدوا دا قفل ايه وشغل ايه ؟ عشان اما نيجى نتكلم ع الدوا اللى بعده ان شاء الله نبقى نقارن، الدوا دا قغل ال alpha 1 و قفل ال alpha 2 وقفل serotonin، اما شغل كام receptor ؟

شغل ال histamine H1 و H2، وشغل ال beta 1 (بطريق غير مباشر).

7- اخر action الدوا (الادويه كانت non selective ف شغلها) كان كمان بي stimulate ال muscarinic receptors، يعنى يتقال عليه parasymphomimetic action، لما يشغل

muscarinic يعمل لك ايه بقى، يعنى اكرر حاجه هتلاحظها ف العيان دا لما تشغل له ال muscarinic بتاعه ال GIT ؟ relaxation،

واما تشغل muscarinic بتاعه ال bronchi ؟ bronchospasm وزياده ف ال bronchial secretion.

- **يبقى الدوا دا مؤذى جدا ف ال peptic ulcer و ال asthma**، لانه بيعمل الحاجتين دول بطريقتين بشغله ك histamine like و شغله كانه parasymphomimetic، واضحه دى بقى عشان ال MCQ.

--- يبقى كده الدوا دا اللى هو ال phentolamine عمل block ل ال alpha و alpha 1 و serotonin، وعمل stimulation لل histamine receptors ولل beta 1 بطريق غير مباشر ولل muscarinic receptors.

- :Uses of phentolamine

- عايز بقى حد يقوللى استعمالات ال phentolamine من غير مايكون ذاكر لسه سامعها النهارده، ال phentolamine زى كل ال alpha blockers،
الدوا دا بيتاخذ ف علاج ال ppp،
1 - بيعالج ال peripheral vascular disease،
2 - ويعالج الضغط اللى سببه ال pheochromocytoma،
3 - ويعالج ال prostatic hyperplasia، ولكن للمره المليون مهواش احسن واحد ف ال prostatic اللى كان ال selective اسمه tamsulosin، ويعالج المشاكل اللى سببها ال alpha stimulation للمره الاخيريه بقى ان شاء الله ال cheese reaction و ال rebound hypertension بسبب ال sudden clonidine withdrawal والناس اللى كان بياخدوا ال Noradrenaline وحصل لهم leakage او خروج للدوا برا ال vein،
و كان بيتاخذ زمان عشان يعالج ال erectile dysfunction in male هو دا ال phentolamine كان بيتحقن بس عشان كان بيتحقن بطريقه صعبه انه يتحقن ال intracavernous معادش حد بيستعمله وظهر الفياجرا كبديل ليه.
عايز استعمال كمان بقى بتاع الجامدين اللى هم 298 299 من 300 تمام كانوا بيشخصوا بيه ال pheochromocytoma،
فاكر الاختبار بتاع الخواجه ال regitine ال regitine دا الاسم التجارى بتاع ال phentolamine،
ايه الفكره اللى فيه ؟ ايه الفكره انى احقن ال phentolamine ف عيان عنده sustained type of pheochromocytoma ؟
مشكلته كلها ف ال pheochromocytoma ال alpha stimulation، فلما بقفله بيحصل severe او marked hypotension الضغط يقل بين 25 و 35 mmHg ف خلال 5 minutes،
دا سمعناه قبل كده، يبقى الدوا دا كان بيتاخذ زمان كاختبار او كتشخيص ال sustained type of pheochromocytoma.

Adverse effect of phentolamine

- عايز عيوبه بقى الاربع عيوب المشتركه ف كل ال alpha blockers،
ال postural hypotension
وال tachycardia لسببين
و nasal congestion
و failure of ejaculation in males
ومعاهم ايه بقى زياده النهارده ؟ معاهم مشكله ال histamine اللى عمل لى ال bronchospasm
وزياده ف ال HCL
وشغل ال muscarinic اللى عامل نفس المشاكل عامل ال bronchospasm و زياده ف ال HCL secretion.

- :Contraindications of phentolamine

- مين بقى مياخدش الدواء ؟ بيوطى الضغط يبقى الى عنده hypotension، بيعمل tachycardia يبقى الى عنده tachycardia و arrhythmia و angina، يطلع حمض كثير اوى يبقى الى عنده ulcer، بيعمل bronchospasm يبقى الى عنده bronchial asthma.

- :Tolazoline

- نيجى بقى للدواء الى شبهه بالظبط اسمه ال tolazoline، قولتلوكوا المره الى فاتت انه مش موجود ف كتاب القسم لكن فى عندنا سؤال تقليدى ان فى مجموعه من الادويه كده اخرها zoline، كلهم عباره عن nasal decongestant، يعنى يتحطوا ف الانف عشان يوقفوا الرشح، عشان بيعملوا alpha 1 stimulation فبيعملوا VC of the nasal mucosa، الى هما naphazoline و xylometazoline و tetrahydrazoline، الدواء دا اسما شبههم اسمه tolazoline لكن فعلاً عكسهم مش كده، هو alpha blocker وليس alpha against nasal congestion، عشان كده ممكن يعمل زى ما قولنا nasal congestion وليس nasal decongestion، يبقى انا عايزك تفتكر ان ال tolazoline دا إنه alpha blocker و خلاص و اى حاجه فيه بقى كانه شبه ال phentolamine نفس الكيمياء ونفس ال actions ونفس كل حاجه

المجموعه الى جايه بقى من ال alpha blockers دوا يعنى specific اوى الحقيقه فيه كلام كثير جدا مميز اسمه phenoxybenzamine، المجموعه نفسها اسمها مجموعه ال haloalkine amines beta مش مهم اوى الكيمياء بتاعتها، لكن فيها اسمين شبه بعض اوى دوا اسمه phenoxybenzamine و دوا اسمه ال dibenamine.

- phenoxybenzamine

- الى عايزك تعرفه بقى ف الدواء دا المهم اوى الى فيه ،

1 - اولاً ان هو prodrug المعلومه دى الناس فاكراها يمكن زمان من ايام ال general، ان الدواء دا inactive وبيتحول عن طريق ال metabolism ف ال liver الى active metabolite (عشان كده الدواء دا بيقولوا عليه slow or delayed onset of action) يعنى بياخد وقت لحد ما بتحول ل active metabolite.

2 - ان هو the most potent alpha blocker اقوى واحد ف كل ال alpha blockers.

3 - الوحيد ف كل ال alpha blockers الى بيشتغل وان شاء الله للمره الاخيره irreversible non competitive blocker، يعنى بيبجى على ال alpha receptors كده ويعمل معاها covalent bond، بقى ال receptor ده باظ معادش هيشغل، ايه اخبار ال duration بتاعته مادام بيشتغل irreversible كده ؟ long duration لحد ما الجسم يكون alpha receptors جديده.

- طيب الباقي بقى كلام سهل الدواء دا من الادويه الى هى non selective بتقفل alpha 1 و alpha 2.

- Pharmacological actions

- 1 - قفلت الـ alpha1 يبقى VD فـ الـ arteries و الـ veins => يبقى عالجننا الـ peripheral vascular disease ،
- ووطننا الضغط بس غصب عنى حصل reflex tachycardia ،
-وبعدين عملت nasal congestion ،
-وبعدين عملت على الـ alpha 1 دى فـ الـ male sex organs failure of ejaculation ،
-وف الـ urinary bladder عملت relaxation فـ الـ sphincter بتاع الـ bladder يبقى نظريا it can be used for treatment of benign prostatic hyperplasia بس ربنا يكرمك كده ان شاء الله فـ الـ MCQ وتفتكر ان الـ tamsulosin الاحسن عشان selective على الـ alpha 1 دا.
- 2 - قفل الـ alpha 2 presynaptic فبدأ يزود خروج الـ Noradrenaline عند الـ heart فعمل tachycardia وهذا هو السبب الثانى للـ tachycardia فـ الدوا دا.
- الدوا اللى كان اسمه phentolamine كان بيعمل ايه فـ الـ receptors ؟
كان بيقتل الـ alpha 1 و الـ alpha 2 و serotonin ، وكان بيشغل الـ histamine عشان هو شبهه فـ الكيمياء و كمان بيشغل الـ beta عشان بيعمل الكلام دا و كان بيشغل muscarinic .
- الدوا اللى احنا بنتكلم عليه دا بص بقى بيقتل الـ alpha 1 و بيقتل الـ alpha 2 و بيقتل serotonin و بيقتل histamine و بيقتل muscarinic ،
اختلفت الامور هنا يعنى مهواش histamine like
= بالعكس دا يتقال عليه anti-histamine بيقتل الـ H1 ،
= ومهواش parasymphomimetic like بالعكس دا يتقال عليه atropine like action ،
فرقت معاك ايه المعلومه دى ؟ الدوا دا قفل الـ H1 (طبعا مفيش bronchospasm والكلام دا) ودايما كان عندنا مشكله فـ الـ anti-histaminics بيعملوا حاجه اسمها sedation و drowsiness .
- * لا مش هيسخدم فـ الـ anaphylactic shock ، الـ sedation دا يعنى بينيم اه هو نفسه هيعمل sedation عشان بيشغل anti-histaminic .as
- 3 - طيب قفلنا الـ muscarinic تفرق معاك فـ ايه ؟ هو الـ muscarinic لما يتقفل كان بيحصل ايه عـ القلب ؟ لما اقفل muscarinic يحصل tachycardia ، طيب الدوا دا كان بيعمل tachycardia بكام طريقه ؟ 3 مش كده ، بدأ يبقى فى tachycardia بسبب الـ reflex ، و tachycardia بسبب ان احنا قفلنا الـ presynaptic alpha ، و tachycardia due to atropine like action ، يبقى الدوا دا خطر جدا فـ انهى عيان ؟ اللى عنده tachycardia و arrhythmia و angina .
- طيب يبقى دا الحاجتين بس الزياده بالنسبه لنا طبعا مفيش بقى شغل عـ الـ beta اللى هو الشغل الغير مباشر موجود يعنى مادام قفلت الـ alpha 2 يبقى اكنك شغلت الـ beta by direct effect .

ما هو ال alpha 2 و ال beta 1 باعتبارها كأنها حاجة واحده reflex، اه بس شغله beta، مش ال reflex دا كان شغل ال beta، وهنا برضو شغل ال beta انك بتقفل presynaptic [alpha

4 - الدوا دا كمان مش عمل كده و بس، الدوا دا عمل حاجة اسمها inhibition of uptake 1 and uptake 2، فاكرا انت زمان كده ف الجدول بتاع الاتونوميك ف الاول كان من ضمن الادوية اللي بت inhibit neural and extraneuronal uptake، وعشان فكرك ميروحش لبعيد اوى ملهاش اى معنى هذا ال action، يعنى متقعدش تفكر بقى مهو لما يمنع ال uptake يبقى هيزود ال Noradrenaline ولما ال Noradrenaline يزيد الدوا مش هيشغل، الكلام دا كله مش هيحصل الدوا is a non competitive، خلاص يبقى الدوا دا قافل حتى لو زاد ال Noradrenaline مش هيشغل لانه قافل بطريقه اسمها irreversible non competitive.

5 - الحاجه الاخير اللى الدوا دا عملها بقى اسمها anti-shock، هقوللك ان شاء الله طريقه كده كان د محسن بيعلمها لنا واحنا طلبه عشان نفتكر ال phenoxybenzamine دا، هو anti-shock ازاى بقى؟ الدوا دا anti-shock لسببين، احنا اتفقنا ف ال shock عندي مشكله ال hypotension وعندى المشكله الاهم منها ان عندي diminished perfusion to the vital organs، especially the kidney

اشهر انواع ال shock اللى بستخدم فيها الدوا دا حاجة اسمها ال hypovolemic shock، عرفناها قبل كده مش كده فيه bleeding او فيه اى حاجة مقلله ال blood volume الهدف من الدوا دا ان هو يعمل لى renal VD، عشان احسن ال blood flow لل kidney ف امنع انها تدخل منى ف irreversible damage، بس فى قاعده مينفعش ادى حاجة vasodilator و ال blood volume قليل، ف قولنا زمان القاعده بتاعه fill up then open ال up، يبقى الدوا دا الهدف منه كده انه يوسع ال renal blood vessel وبعد ما اكون عوضت ال fluids هو هيزود ال blood supply to the kidney.

- * احنا اتفقنا معظم حالات ال shock مشكلتها ايه؟ واحد بينزف مثلا يعنى عنده hypovolemic shock، مشكلتي ف ال hypovolemic shock : ان الضغط قليل ف الدم اللى داخل ع ال kidney قليل، والمشكله التانيه ان الجسم بيحاول ي compensate الجسم بيحاول يعلى الضغط، ف تلاقيه بيعلى الضغط ازاى بقى ان هو يزود شغل ال sympathetic فيعمل هنا VC الفكره حلوه ان انا احاول اعلى الضغط بس النتيجة وحشه اوى، لان انا بحرر ال kidney من الدم بطريقتين ال blood volume قليل وعملت VC ف ال kidney blood vessels عشان احاول اعلى الضغط شويه،

ف العيان دا كان بيبقى عنده مشكله ان هو بيدخل ف حاجة اسمها irreversible shock، ان ال kidney بتبوظ وحتى لو صلحت بعد كده ال blood volume العيان مبيتحسنش.

- فكره بقى علاج ال hypovolemic shock ايه، اول حاجة اعملها is correction of the blood volume يعنى كان عنده مشكله hemorrhage مثلا ف انقل له blood،

عنده مشكله نقص بلازما انقل له بلازما، عنده electrolyte disturbance اديله saline،
يبقى انا بعمل كده correction of blood volume.

- الحاجه الثانيه ان انا ازود ال renal blood flow، اعملها ازاي دي اعمل renal VC ولا
VD ؟

VD، اقدر اعملها النهارده عن طريق اني اقفل ال alpha 1، مش كده مش انا لما قفلت ال
alpha 1 اللى لما كانت بتشتغل كانا عامله VC، لما اقفلها ال renal blood vessel يوسع
وبالتالى ازود ال blood flow to the kidney، الدوا دا اقدر استخدمه ف ال treatment of
hypovolemic shock، بس بنفس القانون fill up then open up،

السؤال بقى اشمعنه دا ف ال alpha blockers اللى اختارته ما كل ال alpha blockers
بيعملوا VD ماعدا ال ergot طبعا، ف اشمعنه بالذات دا اللى اختارته بقى ؟
عشان بيعمل حاجه اضافيه مهمه جدا ف ال shock، انه يقلل ال release بتاع ال ADH،
ال ADH دا من الحاجات اللى بتطلع مع ال shock، الهدف منه ايه يعنى ليه الجسم بيطلع
كده من غير ما تتدخل بيطلع منه ADH ؟

بيحاول يعمل حاجتين بيحاول بيحوش الميه فيزود ال blood volume شويه، وهو نفسه
اسمه vasopressin بيعمل VC عشان يعلى ضغطك، بس ضرره اكبر من نفعه، لانه
هييجى هنا على ال kidney يعمل برضو VC يبقى احنا بوظنا ال kidney، الضغط اتحسن
لكن ال kidney باظت، لكن ال phenoxybenzamine الوحيد ف كل ال alpha blockers
اللى بيعمل inhibition على ال ADH release، يبقى معناها كده انه ييمنع الحاجه اللى
كانت بتعمل renal VC، يبقى عشان كده هو الوحيد من ادويه ال alpha blockers اللى
يتاخذ فعلا فى علاج ال hypovolemic و ساعات بيدوه ف حاجه اسمها endotoxic او
septic shock.

* هو شغله ك anti-histaminic ليه بيعمل sedation ؟
هقولها لك مبدئيا كده فى عندنا receptor ف ال brain اسمه H1، كويس اللى هو ال
histamine type 1، بيعمل حاجه اسمها arousal، يعنى طول ما ال H1 دا شغال انت
مصحح، الدوا دا بقى بيعدى ال BBB ويقفل لك ال H1 اللى موجوده ف ال brain، فحصل
العكس على طول حصل نوع من ال imbalance بين ال chemical transmitters اللى
بيصحح بقى قليل واللى بينيم موجودين ف العيان يحصل عنده sedation و drowsiness.

- * هو ازاي بيعمل inhibition of the ADH release ؟
هم مش عارفين الحقيقه ال mechanism انا شخصيا معرفش ال mechanism ومعظم
الكتب مش كاتبه ان هو ليه علاقه ب ال alpha blocker effect لانه لو كان عن طريق ال
alpha blocker كان الكل عملها مش كده، هو حاجه نقول عليها ايه او نقول عليها حاجه
ليها علاقه ب neuro-hormonal transmission ف ال brain، لكن مفيش mechanism
واضح الحقيقه.

- هو ال ADH لما بيطلع ف ال shock حلو ولا وحش ؟
هو حلو نظريا ان هو بيحاول يعلى ال blood volume وبيحاول يزود ال blood pressure
by VC، بس ال effect بتاعه ع ال kidney سيئ جدا انا مش هستفسد حاجه لو عليت
الضغط وبوظت الكليه، مش دا اللى بيحصل ف ال shock،

يبقى الميزه اللى فيه ايه بقى ال phenoxybenzamine ؟
 انه ييمنع افراز ال ADH، مادام منعنا افراز ال ADH يبقى مش هيحصل severe renal VC، يبقى هو كده اشتغل كـ alpha blocker وسع ال renal blood vessel و منع ال ADH اللى كان بيضيق كمان ف بيزود اوى ال blood flow to the kidney.
 - * فى ادويه دلوقتى جديده مبتعملش sedation اوى، يبقى ونا عارف انى هأخد دوا حساسيه ينيمنى يبقى مخدوش بقى الصبح مخدوش ونا رايح الشغل مخدوش ونا سايق، هنسمع ان شاء الله ان كل ال anti-histaminics ليهم دور ف المنهج بتاعنا.
 - انا عايز بس قبل ما انسى اقول لك الطريقه اللى كان د محسن بيحفظنا بيها الدوا دا، كان يقول عليه anti ويطلع منها بقى كده شويه حاجات كده (هى طبعا الكلام دا علميا مش مضبوط اوى انا اقصد المصطلحات دى مش صح بس عشان تفتكر يعنى)،
 هو قال عليه anti-alpha طبعا anti-alpha دى مش حاجه دى اختراع مش كده، مفيش حاجه اسمها anti-alpha
 هو المقصود انها alpha blocker، و anti-serotonin، و anti-muscarinic، و anti-histaminic، و anti-shock، و anti-uptake
 مش هو دا الدوا هو عمل كده بالظبط قفل 1 alpha و 2 وقفل serotonin وقفل muscarinic اللى احنا قولنا عليها atropine like وقفل ال H1 اللى هو عمل sedation و drowsiness و منع ال neural و ال extraneuronal uptake بتاع ال Noradrenaline و اشتغل anti-shock as.
 - الدوا دا ببيجي كل سنه ف ال MCQ وغالبا بيبقى المطلوب منك انك تعرف ال actions، يعنى يقول لك بيعمل the following actions except ويجيب لك حاجه هو معملهاش، يبقى دا الخلاصه بتاعه ال phenoxybenzamine.

- :Adverse effects :

- العيوب بتاعه ال phenoxybenzamine مش محتاجه شرح يعنى، الدوا دا هيعمل postural hypotension
 هيعمل tachycardia جامده ل اكثر من سبب،
 هيعمل nasal congestion،
 هيعمل faliure of ejaculation in males
 معاهم بقى حاجات زياده مشاكل ال sedation وال drowsiness، وشويه مشاكل كده بسبب ال atropine like action
 - * طيب ال tachycardia اللى هو عملها بسبب انه قفل 2 alpha و ال beta دى اساسا ليها tone ؟
 طبعا مش احنا اتفقنا قبل كده ان ال SA node جايها ال nerve vagus اللى هو بيطلع acetylcholine بيشغل لك ال M2،
 و جايها ال nerve sympathetic بيطلع noradrenaline بيشغل ال 1 beta، ف الاتنين شغالين المفروض ال dominant ال vagus هو الاقوى ف الحالات العاديه انت هنا عملت ايه قفلت ال muscarinic وسبت ال 1 beta شغاله لوحدها ف حصل tachycardia،

دا من اسباب ال tachycardia ، هو عشان كده ال atropine يعمل tachy ، هو ال atropine يعمل tachycardia ، لما بدى ال atropine ال heart rate بيعلى لانك انت قفلت ال receptor اللى كان يقلل ال heart rate وسايب التانى شغال فيحصل معاه tachycardia.

-:Contraindications

ال contraindications تقريبا نفس الكلام، اللى عنده tachycardia و arrhythmia و angina اللى عنده hypotension، اللى عنده glaucoma خلى بالك منها دى، اشمعنه ؟ عشان anti-muscarinic الدواء دا عامل زى ال atropine ف ممكن شويه يعلى ال iop، لو العيان عنده glaucoma ممكن العيان يدخل ف acute attack of glaucoma.

Selective alpha 1 blockers

- اخر مجموعه ف ال alpha 1 blockers ان شاء الله مجموعه اسمها selective alpha 1 blockers، واعتقد ان كل حاجه فيها مهمه فيها اتقالت، اشهر دوا فيهم طبعا ال prazosin لكن فى اسامى تانيه سمعناها زى ال terazosin وال doxazosin و ال trimazosin وال tamsulosin.

- طريقه شغلهم

، they are selective competitive alpha 1 blockers ، قفلوا ال alpha 1 ومقفلوش ال alpha 2 ، الحاجه التانيه و ان شاء الله منكوش نسيناها بيعملوا inhibition ل enzyme اسمه phosphodiesterase ف بيزود حاجتين، بيزود camp ويزود قصاده cgmp ، دا بيعمل tachy و دا قصاده بيعمل brady ف المحصله تقريبا there is no increase in the heart rate ، والاتنين مع بعض are very powerful vasodilators.

- * اه minimal change in heart rate انا موافق عليها بقى بصراحه، لو اتقالت كده يبقى صح 100%، الكتاب قايل no مش كده، الكتاب قايلا كده بالفم المليون كده no tachycardia، لكن هى الحقيقه minimal tachycardia هى دى الاصح، لو true او false يبقى تبع الحكومه، لو حصل حاجه زى كده ف امتحان كبير هيبقى فى جدل بقى وهتتسب لكل الطلبة صح يعنى السؤال دا لو افترضنا ان هو جى ف امتحان يبقى كل الطلبة اللى حل وقال انه true هيبقى صح لان هو فاهم ان ال heart rate هيعلى شويه بس مش اوى، واللى كاتب false لان كتاب الوزارة او كتاب القسم كاتب no يبقى صح برضو، بس لو انا بحل هذا الامتحان وكتبوا قدامى كده ان الدواء دا بيعمل minimal tachycardia صح، لان دايم العيان دا بيبقى عنده ال camp بيبقى اعلى شويه من ال cgmp بس مش عالى اوى زى التانى اللى هو كان بيعمل non selective ف ال heart rate زاد شويه بس مش زى ال non selective alpha ، دا بالنسبه لنا كده ال mechanism of action بتاعهم.

Uses

- 1 - الدواء دا هيعالج ايه ال prazosin هيعالج ايه ؟
 الاربع حاجات المشتركة بتاعه ال alpha blockers
 بيعالج peripheral vascular disease ويعالج الضغط اللى سببه pheochromocytoma
 و يعالج ال prostatic hyperplasia بس عرفت ان ال tamsulosin احسن ،
 ويعالج المشاكل اللى فيها alpha stimulation اللى هى ال cheese reaction و ال
 rebound hypertension of clonidine و ال leakage of noradrenaline لو اتاخذ IV
 infusion
 ومعاه بقى حاجتين يستخدم هو فيهم والباقيين مكانوش ينفعوا ؟ تمام ف علاج ال
 hypertension بالتحديد كده ال primary او ال essential hypertension .
 - حد لسه عنده شك اشمعنه دا اللى نفع فى علاج الضغط ، اشمعنه ؟ عشان قلل ال total
 peripheral resistance بطريقتين قفل ال alpha و زود ال AMP و ال GMP ومحصلش
 معاه tachycardia جامده ، عشان هنا فى حاجتين عكس بعض ومقفلش ال alpha 2 .
 2 - الاستعمال نمرة 2 اللى احنا قولناه كده مره بقى فى علاج ال congestive heart
 failure ، الهدف منه ف ال heart failure ايه ؟
 مش ان انا ازود ال contraction مباشره ، ان انا اقلل ال preload عن طريق انى اوسع ال
 veins واقلل ال afterload عن طريق ان انا اوسع الشرايين .
 - * لا ال angina هو نظريا صح لكن فيه أحسن منه بقى لكن نظريا مادام بيقلل ال preload
 و ال afterload يبقى طبعا يعنى تفكير صح انى انا افكر ف علاجه لل angina .
 - دا بالنسبه لل actions والاستعمالات بتاعه ال prazosin .

Adverse effects

- 1 - اقول tachycardia ولا مقولش ولا اعمل ايه ؟ كل ال alpha blockers بيعملوا
 tachycardia لكن انا هقول ايه بقى ، اقول no اقول minimal اقول less انت بقى و زوقك
 يعنى .
 - 2 - فى حاجه دايما مشتركه فى كل ال alpha blockers اسمها postural او orthostatic
 hypotension ، بتحصل مع الدواء دا بس لقوا انها بتحصل بشكل عالى جدا بعد اول
 جرعه ، فيقولوا عليها ظاهره الجرعه الاولى first dose phenomenon ، يعنى بعد كده
 (طبعا ليها تفسيرات بقى صعبه شويه) لكن بعد كده بيحصل postural hypotension
 بس very mild hypotension ، فيقولوا عليها adaptation ف ال # ، يعنى بيبدا ال blood
 pressure يقلش اوى ف ال veins ومتحوش دم كثير اوى ف الجرعات اللى بعد كده ،
 لكن اول جرعه بيحصل فيها severe postural hypotension اسمه كده first dose
 phenomenon .
- طيب انت ان شاء الله دكتور شاطر وعارف ان الدواء دا اول مره هديه العيان هيدوخ وهيغمى
 عليه ، وممكن لو اغمى عليه يحصل له مشكله كبيره لو هو سنه كبير ، راسه تتكسر الحوض
 بتاعه يتكسر تبقى كارته يعنى ، تعمل ايه عشان to avoid the first dose phenomenon

؟ اديه قبل ما ينام، بالظبط اديه وينام وان شاء الله يصحى بكرة الصبح كده اقول له بس اول ما تصحى بكرة متنزلش مره واحده من ع السرير اه على مهلك كده، يعنى اقعد كده نص قعده كده ع السرير و بعد كده نزل رجلك اليمين وبعدين نزل رجلك الشمال وبعدين اقف كده بالتدريج ولو لقيت نفسك هتدوخ ارجع اقعد ع السرير تانى، غالبا مش هيجصل بعد كده postural hypotension،

الحل نمرة 2 ايه ؟ ابدأ ب very small dose، يبقى دا الحاجات اللى ان شاء الله هتتفعنا ف المستقبل بقى،

لما اقول لك الدوا دا عمل first dose phenomenon يبقى it can be avoided by starting with a very small dose and giving the first dose at bed time.

Adverse effects

1 - العيوب اللى بعد كده شبه بقى بقيه الكلام، بيعملوا nasal congestion اسمها salt and water retention، هتسمع باذن الله كده معظم الادويه اللى بتوطى الضغط بالذات لو كانت vasodilators بتحصل معاها نوع من ال renal ischemia بيقل شويه ال blood flow لل kidney ف دا ممكن يطلع renin ويعمل حاجه اسمها salt and water retention، حلها ايه بقى العيان اخذ النهارده terazosin و ضغطه اتحسن و جالك بعد شهر رجع على تانى يبقى لازم احط معاه diuretic عشان انزل الميه وللملح اللى اتحوشوا دول.

- * ما هى الفكره ان شاء الله هنعرف كده ان يبدا يحصل renal ischemia فيبدأ يطلع renin، وال renin نهايته ايه ؟ (ال aldosterone هو اللى عمل ال salt and water retention)، هو ال nephron بتاع ال kidney دايمه فيه حاجه اسمها afferent arteriole and efferent arteriole مش كده، امته يبقى حلو لما اوسع هنا اكثر ولا هنا اكثر ؟ كل ما وسعت ال afferent arteriole احسن لانه بيخلي ال filtration يزيد ف اقدر اتخلص من ال Na وغيره، فى ادويه كتيره جدا vasodilators بتوسع ال efferent اكثر من ال afferent، يبقى عملت ايه يعنى خلت ال blood flow كده يقل، الدم بيعدى من هنا ل هنا ف دا بقى اللى يخلي ال kidney تطلع renin على طول، عشان تحاول تعوض شويه النقص بتاع ال filtration.

2 - يبقى عرفنا كده العيب بتاعه بيعمل Na and water retention and it can be corrected by diuretics.

3 - ال headache و ال dizziness، ال headache مفهومه لكن ال dizziness شعور بالدوار او الدوخه كده، هى غالبا ليها سبب ان بيحصل cerebral VD ف دا ممكن يعمل كده شويه disturbance of balance بتاع العيان.

ال duration بتاعه ال drug دا طويلا ولا قصيره ؟ يعنى moderate، ممكن يتاخذ مرتين او ثلاثه ف اليوم، لو بيتاخذ ف علاج ال hypertension مهواش long acting اوى و مهواش very short اوى، ف ممكن يتاخذ كل 12 او يتاخذ كل 8 ساعات، مهه لو كل 12 يبقى مينفعش ال first dose phenomenon ؟ مينفعش ازاي، يعنى لو انا مثلا هديه قبل

ما ينام وهو مثلاً معدل نومه عدى 8 ساعات ؟ لا هو يفضل ف السرير يعنى صاحى بس يفضل ف السرير، يعنى هو صحى مثلاً قبل ما يخلص شغل الدوا ب 3 ساعات، يفضل قاعدهم بقى ف السرير صاحى يتفرج ع التلفزيون بقى يقرأ جرايد و يقزقز لب و بعدين يبقى يقوم بقى من السرير على مهله.

- هى على فكره موصوفه ف الكبار اكثر من الصغيرين، انت عارف طبعا مشكله الكبار هى ال veno constriction عندهم مش حلو، العضلات ضعيفه وال sympathetic supply قليل ف دايمًا ف السن الكبير.

- ال first dose مرتبه بالنسبه للكبار ف السن، الفكره انه هو انت عارف hypotension معناها ايه، بدأت ال veins تجمع دم كثير، ال veins وسعت الدم بوسع ال veins، ومع ال gravity لما جى يقوم هى كمان حوشت دم جوه ال veins، فبدأ ال venous return يقل يعنى معناها ان ال cardiac output هيققل معناها الضغط هيققل وال blood flow to the brain يقل فجاءه، ف ممكن يحصل حاجه اسمها blackout، يعنى تلاقى العيان فجاءه كده النظر بتاعه فجاءه حصل فيه blackout وحصل فيه نوع من ال unconscious level دوخه وزغلله ووعى مش كامل اوى فممكن يقع الوقعه دى ممكن تعمل مشكله ف ال old age يعنى بيحصل منها كوارث ف الناس الكبار ف السن.

- السؤال اللى جاى انا عايز حد يفكر فيه، السؤال اللى مكتوب ف الورق، عايز حد شاطر كده ف الفارما يقوللى عيان اخد alpha blocker و بسبب ال alpha blocker بدأ يحصل عنده hypotension ياترا الحل بتاعه ايه انا هقول لك اختيارات،

(how to correct hypotension caused by alpha blockers ؟) ؟ يبقى سيادتكم اديت العيان alpha blocker و ال alpha blocker دى وطت الضغط اوى ف انت عايز تحلها ؟ الشريان دا عليه alpha 1 و beta 2 و M3، ياترا اديله Adrenaline ولا اديله Noradrenaline و دوا اسمه phenylephrine (ال phenylephrine is a selective alpha 1 agonist) و atropine (ال atropine is a muscarinic blocker)

- اللى هيقول لى اجابه يقول لى ليه، عشان متجيش حاجه كده بالبركه.

- ال phenylephrine

هاجى اديله هلاقى ال alpha 1 مقفوله ف مش هيشغل، عشان سيادتكم بقى تقعد تزود ال dose لحد ما تزيجه كل سنه وانت طيب يكون عدى 10، 11، 12 ساعه، يبقى ال phenylephrine مش نافع.

- ايه رأيك ف ال Noradrenaline ؟

هى هى لانه برضو بيشغل ع ال alpha وهى مقفوله.

- حلو بقى ال adrenaline اوى مش كده،

الadrenaline هنا رائع! الadrenaline هنا هيلاقى ال alpha 1 مقفوله ف هيشغل ع ال beta 2 فيعمل more hypotension، ال beta 2 معليهاش tone و ال muscarinic معليهاش tone لأن ال muscarinic موجوده ع ال blood vessels ولكن non innervated.

- بالظبط ولا واحد من دول.

- هقول لك بقى حلها بندى دوا اسمه **angiotensin 2** يطلع ايه دا بقى ؟
angiotensin دوا بيعمل VC ويشتغل على **receptor** مختلف تماما عن ال **receptor** اللى معنا، خلاص **angiotensin 2** هو الحل هنا،
 - ايه العلاقه ما بين ال **alpha blockers** و ما بين ال **angiotensin 2** ؟
physiological antagonism،
 دوايين مختلفين يشتغلوا على مكانين مختلفين بيعملوا حاجتين عكس بعض، دا بيقتل ال **alpha** و بيوسع الشرايين ف الضغط بيوطى، و دا يشتغل ع ال **angiotensin receptors** فبيعلى الضغط، يبقى العلاقه بينهم **physiological antagonism** is.
 - اوعى تغلط وتدى ادرينالين، اسوء اختيار فيهم كلهم ال **adrenaline**، مش كده لانه هيعمل **more hypotension**.
 - الحل اننا هنبعد خالص عن ال **alpha receptors** ليه ؟
 لو فكرت ادى **alpha agonists** مش هيشغل لان ال **receptor** مقفول، و لو فكرت ان انا قعدت ازود جرعات ال **agonist** الكلام دا علميا او ف المعمل صح لكن ف البنى ادم هياخد وقت طويل جدا عشان اقدر ادى **alpha against** و ازيح ال **blocker** دا هياخد وقت طويل، الحل ايه بقى ان انا ادور على دوا تانى يعمل لى VC ويكون يشتغل بطريقه مختلفه، يعنى ميكونش ليه علاقه ب ال **alpha receptors** خالص، واللى عمل كده فعلا دوا اسمه **angiotensin 2** هتسمعوا عنه ان شاء الله ف ال **autacoids** دا ليه **receptors** موجوده على الشرايين، مفهومه ال **angiotensin 2** هيشغل على **specific receptors** هيعمل VC ويصلح المشكله اللى عملها ال **alpha blocker by physiological antagonism**.
 ال **isoprenaline** دا خطأ خطأ للصبح، ال **isoprenaline** دا **beta agonist**، هيعمل ايه ف الشرايين ؟ **VD**، احنا شكلنا عايزين نخلص منه العيان دا.
atropine ال
 ملوش قيمه لان معظم ال **M3 are non innervated** مش كده ماعدا بتوع ال **skeletal muscles**، لكن ف بقيه الجسم كله مش واصل لهم **nerve supply** فمش شغالين، ف كوننا قفلناهم او مقفلناهمش مش هتحل حاجه.
 - الفكره انى اشغل **receptor** تانى زى ال **angiotensin** مثلا او ال **vasopressin** او غيره.